

## **Հիմնական դրույթներ**

2020 թվականին իրականացվող «Գյուղական Տուրիզմի Զարգացման» ծրագրի շրջանակներում նախատեսվում է հայտարարել դրամաշնորհային մրցույթ, որին մասնակցության իրավունք ունի յուրաքանչյուր կազմակերպություն, կոոպերատիվ կամ 18 տարին լրացած և ՀՀ քաղաքացիություն ունեցող ֆիզիկական անձ:

Ծրագիրը ուղղված է խթանել գյուղական համայնքներում տուրիզմի զարգացումը, տալ բնակիչներին հնարավորություն ունենալ սեփական ներդրումը տուրիստական ծառայությունների մատուցման ոլորտում և ստեղծել նոր հնարավորություններ տեղացիների համար:

## **Փոքր եվ միջին դրամաշնորհների տրամադրում**

Դրամաշնորհները նախատեսված են բոլոր այն մարդկանց համար, ովքեր պատրաստվում են իրենց գյուղական համայնքում ստեղծել կամ էլ ավելի զարգացնել գյուղական տուրիզմի որևէ ճյուղ: Մասնակցության համար անհրաժեշտ է լրացնել դիմում հայտը և նշել այն անվանակարգը, որին ցանկանում եք դիմել:

### **1. Դրամաշնորհ «Ֆերմերի կյանքը»**

Տվյալ դրամաշնորհը նախատեսված է այն մարդկանց համար, ովքեր ունեն հետաքրքիր գաղափարներ զարգացնելու տուրիզմը իրենց տարածաշրջանում, օգտագործելով բնության, պատմամշակութային կամ այլ առանձնահատկություններ: Այդպիսի օրինակներ են գինու համտեսի սրահները, լավաշի պատրաստման մաստեր-կլասերը, հովիվների հետ արշավները և այլն: Ծրագրում պետք է շեշտադրումը դրված լինի հենց գյուղական միջավայրի պահպանության և ներկայացման վրա:

Ծրագրի տևողությունը չպետք է գերազանցի երկու ամիսը:

Ծրագրի իրականացման համար մեր կողմից տրվող դրամաշնորհի առավելագույն չափը չպետք է գերազանցի 1,500,000 ՀՀ դրամը: Ինչպես նաև հաղթողները պարտավորվում են ունենալ սեփական ներդրում տրվող դրամաշնորհի առնվազն 30 % -ի չափով:

### **2. Դրամաշնորհ «Նոր կառուցվող հյուրատուն»**

Դրամաշնորհը նախատեսված է այն մարդկանց համար, ովքեր ունեն տուն, որը կարող է դառնալ հյուրատուն և հնարավորություն կունենա ընդունել զբոսաշրջիկների:

Ծրագրի տևողությունը չպետք է գերազանցի երկու ամիսը:

Ծրագրի իրականացման համար մեր կողմից տրվող դրամաշնորհի առավելագույն չափը չպետք է գերազանցի 3,000,000 ՀՀ դրամը: Ինչպես նաև հաղթողները պարտավորվում են ունենալ սեփական ներդրում տրվող դրամաշնորհի առնվազն 50 % -ի չափով:

### 3. Դրամաշնորհ «Գործող հյուրատուն»

Դրամաշնորհը նախատեսված է այն մարդկանց համար, ովքեր ունեն արդեն իսկ գործող հյուրատուն և ցանկանում են այն ընդլայնել կամ էլ ստեղծել հետաքրքիր անկյուն զբոսաշրջիկների համար:

Ծրագրի տևողությունը չպետք է գերազանցի երկու ամիսը:

Ծրագրի իրականացման համար մեր կողմից տրվող դրամաշնորհի առավելագույն չափը չպետք է գերազանցի 3,000,000 ՀՀ դրամը: Ինչպես նաև հաղթողները պարտավորվում են ունենալ սեփական ներդրումը տրվող դրամաշնորհի առնվազն 50 % -ի չափով:

Դիմում-հայտը բոլոր վերը նշված անվանակարգերի համար լինելու է ընդհանուր, սակայն հատկացվող ֆինանսավորումը և պայմանները տարբեր են: Այդ իսկ պատճառով շատ կարևոր է ճիշտ ընտրել հենց Ձեզ համապատասխան անվանակարգը:

Դրամաշնորհին դիմելու վերջնաժամկետն է՝ **07.06.2020**, (դիմել մինչև 12:00 (GMT+4)):

### Մասնակիցներին տրվող պահանջները

- Մասնակցության իրավունք ունի յուրաքանչյուր կազմակերպություն, կոոպերատիվ կամ 18 տարին լրացած և ՀՀ քաղաքացիություն ունեցող ֆիզիկական անձ:
- Դրամաշնորհային ծրագիրը պետք է իրականանա բացառապես ՀՀ որևէ գյուղական համայնքում: Չեն ընդունվում բոլոր այն ծրագրերը, որոնք նախատեսված է իրականացնել քաղաքային համայնքներում:
- Դրամաշնորհը շահելու դեպքում, մասնակիցը պարտավորվում է ունենալ սեփական ներդրում ըստ համապատասխան անվանակարգի:
- Դրամաշնորհային ծրագրերի իրականացման ժամանակացույցը չպետք է գերազանցի երեք ամիսը:
- Նույն մասնակիցը չի կարող ստանալ մեկից ավելի անվանակարգերում ֆինանսական աջակցություն:
- Հաղթող մասնակիցները պարտավորվում են կնքել պայմանագիր:
- Ամբողջ ծրագրի իրականացման ընթացքում հաղթող մասնակիցները պետք է ներկայացնեն ֆինանսական հաշվետվություն:

### Ծրագրի իրականացման ժամանակացույց

Ժամանակ	Աշխատանք
Մինչև 07.06.2020	Դիմում-հայտերի ընդունում
08.06 – 12.07.2020	Ընդունված հայտերի ուղումնասիրություն և հաղթողների ընտրություն
13.07 – 31.07.2020	Պայմանագրերի կնքում հաղթողների հետ և աշխատանքների սկիզբ

### Ժյուրիի անդամների կազմը

Ժյուրիի անդամները լինելու են անկախ և շահ չհետապնդող մասնագետներ, ովքեր պետք է գնահատեն և կընտրեն յուրաքանչյուր անվանակարգի համար հաղթողներին:

### Գնահատման չափանիշներ

Դրամաշնորհային ծրագրերը գնահատվելու են ըստ հետևյալ չափանիշների՝

- Մոտիվացիա
- Ծրագրի երկարաժամկետ իրականացում
- Սոցիալ-տնտեսական կայունություն
- Գյուղական միջավայրի ստեղծում
- Բնապահպանություն և բնական ռեսուրսների բարելավում
- Կրեատիվություն
- Չբոսաշրջային ակտիվություն
- Առավելագույն հյուրերի քանակ
- Նոր աշխատատեղերի ստեղծում
- Համայնքային զարգացում
- Գյուղական տուրիզմի զարգացում
- Չբոսաշրջիկների հետ հաղորդակցվելու հմտություններ
- Պատմամշակութային հուշարձաններ
- Բնության հուշարձաններ
- Գովազդ
- Սերտիֆիկատների առկայություն
- Այլ դրամաշնորհներին մասնակցություն
- Նկարներ

### Հաղթողներին ընտրելու մեթոդներ

Ժյուրիի յուրաքանչյուր անդամ, ըստ գնահատման չափանիշների, գնահատում է բոլոր մասնակիցներին: Ամենաշատ միավոր հավաքած դիմորդների հայտերը քննարկվում են

հետագայում: Վերջնական հաղթողները որոշվում են միայն տեղանքը տեսնելուց և ուսումնասիրելուց հետո:

Մասնակիցները պետք է համապատասխանեն դիմում-հայտում նշված բոլոր պահանջներին: Հայտում նշված փաստաթղթերի բացակայության, կիսատ կամ կեղծ լինելու դեպքում հայտը ավտոմատ դուրս է գալիս մրցույթից: Պարտադիր պատասխան

պահանջող դաշտերից որևէ մեկը չլրացնելու դեպքում հայտը ավտոմատ դուրս է գալիս մրցույթից:

Հաղթողներին ուղարկվում է պահանջվող փաստաթղթերի ամբողջական փաթեթ:

### **Դիմում-հայտ**

Դիմում-հայտը կազմված է լինելու հետևյալ բաժիններից՝

- Ընդհանուր տեղեկություններ
- Անձնական տվյալներ
- Ծրագրի նկարագրություն
- Բյուջե
- Այլ ծրագրերին մասնակցություն
- Անհրաժեշտ փաստաթղթերի ցանկ

### **Եզրափակիչ դրույթներ**

Հաղթող մասնակիցներին ընտրելուց անմիջապես հետո, նրանց հետ կկնքվի աշխատանքների իրականացման պայմանագիր: Գումարը կփոխանցվի նրանց հաշվին իրականացվող փուլերին համապատասխան: Ամբողջ ծրագրի իրականացման ընթացքում տեղի են ունենալու ստուգիչ այցեր: Մասնակիցները պարտավոր են լինելու, ամեն փուլի ավարտից հետո, ներկայացնել ֆինանսական հաշվետվություն:

Դրամաշնորհային մրցույթին հաղթելու դեպքում մասնակիցները դառնում են «Գյուղական Տուրիզմի Զարգացման» ծրագրի շահառու և պետք է ունենան որոշակի պարտավորություններ:

Մաղթում ենք հաջողություն